

**Broj: 06-03-1605-15/27/09**  
**Mostar, 21.05.2010. godine**

Na osnovu člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2) i člana 44. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 11. Pravilnika za izdavanje dozvola – licenci („Službene novine Federacije BiH“ broj 29/05), Regulatorna komisija za električnu energiju u Federaciji Bosne i Hercegovine – FERK je na VIII redovnoj sjednici, održanoj u Mostaru dana 21.5.2010 godine, donijela sljedeću

## **O D L U K U**

### **Član 1.**

Usvaja se tekst Obavještenja za javnost o podnesenom Zahtjevu za izmjenu dozvole za rad-licence podnosioca zahtjeva Alpiq Energija BH d.o.o., kako je predložen na dnevni red redovne sjednice.

### **Član 2.**

Obavještenje za javnost iz člana 1. ove Odluke objavit će se u „Dnevnom avazu“, „Dnevnom listu“ i na web stranici FERK-a, na dan 26.05.2010 godine.

### **Član 3.**

Obavještenje za javnost iz člana 1. ove Odluke je sastavni dio Odluke.

### **Član 4.**

Za realizaciju ove Odluke zadužuje se Sektor zajedničkih poslova.

### **Član 5.**

Odluka stupa na snagu danom donošenja i objavljuje se na oglasnoj tabli i web stranici FERK-a.

## **O b r a z l o ž e n j e**

Članom 14. stav (1) Statuta FERK-a propisano je da FERK donosi opšte i pojedinačne akte, dok je članom 12. stav (1) Statuta FERK-a i članom 31. stav (2) Poslovnika o radu FERK-a propisano da se konačno odlučivanje o pitanjima iz nadležnosti FERK-a utvrđene Zakonom vrši na redovnoj sjednici.

Član 44. Poslovnika o radu FERK-a i član 11. Pravilnika za izdavanje dozvola – licenci propisuju da nakon što je zahtjev za izdavanje dozvole primljen kao potpun, FERK objavljuje kratko obavještenje za javnost u jednom ili više pisanih medija koji izlaze na cijeloj teritoriji Federacije BiH i na svojoj web stranici, sumirajući zahtjev za dozvolu. Istim članovima je propisano i da obavještenje sadrži i način na koji zainteresovane strane mogu dobiti informacije i uputstva zainteresovanim stranama kako mogu podnijeti komentare u pisanom obliku na zahtjev za dozvolu, prije završetka roka za komentarisanje označenog u sažetku. Ujedno je propisano i da obavještenje za javnost sadrži i kriterije za sticanje statusa umješača, obavještenje kako se mogu podnijeti zahtjevi za umješače i kako jedino podnosilac zahtjeva i umješači mogu učestvovati na raspravama tokom postupaka u vezi sa dozvolama.

Dana 28.12.2009. godine FERK je od Alpiq Energija BH d.o.o. pod brojem 06-03-1605/27/09 primio Zahtjev za izmjenu dozvole za rad-licence. Postupajući po odredbi člana 39. Pravilnika o javnim raspravama i rješavanju zahtjeva i žalbi FERK-a, primljeni Zahtjev je pregledan u skladu sa članovima 10. i 42. Pravilnika za izdavanje dozvola – licenci. Nakon pregleda primljenog Zahtjeva, a postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a i članom 10. Pravilnika za izdavanje dozvola - licenci, FERK je podnosiocu zahtjeva poslao 11.2.2010. godine Obavještenje o nedostacima podnesenog Zahtjeva za izmjenu dozvole za rad-licence broj 06-03-1605-01/27/09 i odredio mu rok od osam dana radi otklanjanja uočenih nedostataka navedenih u obavještenju. Podnosilac zahtjeva je postupio u skladu sa Obavještenjem i u FERK dana 22.2.2010. godine pod brojem 06-03-1605-02/27/09, 06-03-1605-03/27/09, 06-03-1605-04/27/09, 06-03-1605-05/27/09, 06-03-1605-06/27/09, 06-03-1605-07/27/09, te dana 23.02.2010. godine pod brojem 06-03-1605-08/27/09 dostavio dio tražene dokumentacije sa obrazloženjima. U cilju potpunog kompletiranja dostavljene dokumentacije, FERK je podnosiocu zahtjeva 16.03.2010. godine uputio Zahtjev za informacijama broj 06-03-1605-09/27/09, u povodu kojeg je podnosilac zahtjeva dostavio FERK-u 28.03.2010.godine dopis pod brojem 06-03-1605-10/27/09 i 06-03-1605-11/27/09, te dopis primljen u FERK dana 29.03.2010. godine pod brojem 06-03-1605-12/27/09, uz koje je dostavio dio tražene dokumentacije sa obrazloženjima. FERK je ponovno podnosiocu zahtjeva 16.04.2010. godine dostavio Zahtjev za informacijama broj 06-03-1605-13/27/09, u povodu kojeg je podnosilac zahtjeva dostavio 30.04.2010. godine FERK-u dopis primljen pod brojem 06-03-1605-14/27/09 uz koji je dostavio traženu dokumentaciju i obrazloženja, na osnovu koje je FERK utvrdio da je podneseni zahtjev kompletan i da su se stekli uslovi za objavu obavještenja za javnost o podnesenom zahtjevu.

Na osnovu navedenog, odlučeno je kao u dispozitivu ove odluke.

**PREDSJEDNIK FERK-a:**  
**Zdenko Šimunović s.r.**